

Broj: 1264-3/24
Sarajevo, 01.08.2024 godine

Na osnovu člana 71. Zakona o turizmu („Službene novine KS“, broj 19/16, 31/17, 34/17 i 13/21), člana 30. Statuta („Službene novine KS“, broj 32/17), Programa rada i Finansijskog plana Turističke zajednice Kantona Sarajevo za 2024. godinu, Programom poticaja razvoja turizma i aviosaobraćaja na području Kantona Sarajevo, broj 02-04-34917-9.1/24 od 04.07.2024. godine, te Odluke o raspisivanju Javnog poziva za poticaj razvoja turizma i aviosaobraćaja na području Kantona Sarajevo (broj 1264-2/2024 od 01.08.2024. godine), predsjednik Turističke zajednice Kantona Sarajevo r a s p i s u j e

JAVNI POZIV ZA POTICAJ RAZVOJA TURIZMA I AVIOSAOBRÁČAJA NA PODRUČJU KANTONA SARAJEVO

I PREDMET JAVNOG POZIVA

Predmet Javnog poziva je poticaj razvoja aviosaobraćaja na području Kantona Sarajevo u svrhu razvoja turizma.

Javnim pozivom za poticaj razvoja aviosaobraćaja na području Kantona Sarajevo (u daljem tekstu: Javni poziv) utvrđuje se cilj, iznos sredstava, način realizacije javnog poziva, korisnici sredstava i kriteriji za odabir.

Period realizacije aktivnosti je utvrđen Zaključkom Vlade KS 02-04-33336/23 od 20.07.2023. godine sa planiranom implementacijom za period 2024-2026. godina.

II CILJ JAVNOG POZIVA

Cilj javnog poziva jeste razvoj turizma na području Kantona Sarajevo poticanjem aviokompanija radi uspostavljanja novih destinacija, povećanja broja putnika u aviosaobraćaju i osnaživanje turističkog sektora.

III IZNOS SREDSTAVA

Sredstva za Javne pozive planirat će se u skladu sa Zaključkom Vlade KS 02-04-33336/23 od 20.07.2023. godine u Budžetu Kantona Sarajevo – „Tekući transfer Turističkoj zajednici KS za sufinansiranje projekata od značaja za razvoj turizma”.

IV PRAVO UČEŠĆA NA JAVNI POZIV ZA ODABIR AVIO - KOMPANIJA

Pravo učešća na Javni poziv imaju pojedinačne aviokompanije koje su registrovane za pružanje usluga aviosaobraćaja i koje ispunjavaju Kriterije za odabir prijave i dodjelu sredstava:

1. aviokompanije koje donesu odluku da uspostave bazu na Međunarodnom aerodromu Sarajevo,
2. aviokompanije koje otvaraju nove destinacije za Sarajevo (destinacije prema kojima sa Međunarodnog aerodroma Sarajevo nije bilo redovnih letova od aviokompanija tokom dvanaest mjeseci prije datuma namjeravanog obavljanja prvog leta),
3. aviokompanije koje uvode jednu ili više strateških ruta za Sarajevo, u skladu s listom strateških ruta definisanom od strane Međunarodnog aerodroma Sarajevo,
4. aviokompanije koje uvode letove na postojećim strateškim rutama iz/za Sarajevo, a na kojima u trenutku podnošenja aplikacije za Javni poziv ima uspostavljeno 5 ili manje letova sedmično,
5. aviokompanije koje uvode dugolinijske letove u trajanju preko šest sati za Sarajevo.

NAPOMENA: Aviokompanija koja ispunjava uslove Javnog poziva, u toku korištenja istog može operirati sa bilo kojeg aerodroma na određenoj destinaciji, u slučaju da destinacija ima više aerodroma i eventualna promjena aerodroma na istoj destinacije u toku korištenja poticaja je dozvoljena i ne utiče na odobrene poticaje.

V KRITERIJI ZA ODABIR PRIJAVA I DODJELU SREDSTAVA

Pojedinačne aviokompanije koje se prijave na Javni poziv moraju ispunjavati sljedeće kriterije:

1. broj destinacija, od kojih barem jedna mora biti nova i/ili strateška,
2. sedmična frekvencija za svaku destinaciju (minimalno 2 leta sedmično za redovne linije, odnosno 1 let sedmično za charter linije). Ukoliko kompanija redovno operira na minimalno dvije destinacije, broj frekvencija na sedmičnom nivou se zbraja za sve destinacije i na taj način aviokompanija ispunjava navedeni kriterij,
3. tip i kapacitet aviona (minimalno 50 sjedišta),
4. period operiranja (sezonski, cjelogodišnji).

NAPOMENA: Aviokompanija koja ispunjava uslove Javnog poziva, u toku korištenja istog može operirati sa bilo kojeg aerodroma na određenoj destinaciji, u slučaju da destinacija ima više aerodroma i eventualna promjena aerodroma na istoj destinacije u toku korištenja poticaja je dozvoljena i ne utiče na odobrene poticaje.

Nakon provjere ispunjavanja navedenih kriterija, pristupa se obračunu iznosa poticaja po putniku. Prvo se utvrđuje broj destinacija (Td) koje aviokompanija planira uvesti ili na kojima će povećati frekvenciju letova. Td za do tri destinacije množi se iznosom 0,50


eura (Cd), dok za broj destinacija veći od tri Td se množi iznosom 0,75 eura (Cd). Nakon toga, pristupa se određivanju Bloka frekvencije (Bf) na temelju broja frekvencija u sedmici (Tf) za svaku destinaciju posebno. Total frekvencija (Tf) predstavlja broj operacija koje se obavljaju za jednu destinaciju tokom jedne sedmice. Na primjer, ukoliko avion leti u ponedjeljak, četvrtak, petak i nedjelju, ukupan broj frekvencija u jednoj sedmici iznosi 4.

Nakon određivanja broja frekvencija (Tf), pripadnost Bloku frekvencija (Bf) se određuje pravolinijskim pristupom. Na primjer, za $Tf < 3$ pripadnost Bf iznosi 0,50 eura, dok za $Tf > 3$ pripadnost Bf iznosi 0,75 eura.

Dobijanjem vrijednosti za broj destinacija (Td), koeficijenta destinacija (Cd) i pripadnosti Bloku frekvencija (Bf), ove vrijednosti se sabiraju i množe sa ukupnim brojem putnika kako bi se dobio ukupan iznos poticaja za aviokompaniju za jednu destinaciju.

MODEL B3I

Obračuna marketinških poticaja za aviokompanije po putniku



NAČIN OBRAČUNA MARKETINŠKOG POTICAJA PO PUTNIKU (Tmpp):

$$Tmpp = (Td \cdot Cd) + Bf$$

$$Tmpp = (Td \cdot Cd) + Bf + Sr \text{ ili } LHR$$

- * Td - Ukupan broj destinacija (n) gdje je: $Td = n \cdot 0,50$ euro ili ako je > 3 destinacija broj destinacija se množi sa 0,75 eura
- * Tf - Ukupan broj frekvencija (ukupan broj dana u sedmici za jednu destinaciju npr. Tf= 1.45.7= 4)
- * Bf - Tf određuje vrijednost Bloka frekvencija

Dodatna stimulacija od 1 euro po putniku predviđena je za aviokompanije koje uspostavljaju strateške rute (Sr), kao i za one koje uspostavljaju dugolinijske rute (LHr) sa vremenom letenja većim od 6 sati.

Konačna formula za izračun ukupnog poticaja po putniku (Tmpp) za određenu rutu glasi:

$$Tmpp = Td \cdot Cd + Bf$$

Konačna formula za izračun ukupnog poticaja uz stimulativni dodatak, po putniku, za strateške ili dugolinijske rute:

$$Tmpp = Td \cdot Cd + Bf + Sr \text{ ili } Lhr$$

Za zimski red letenja, obračun iznosa se uvećava za dodatnih 10% kako bi se dodatno stimulisao zimski turizam u Kantonu Sarajevo.

Svi navedeni kriteriji i obračuni usklađeni su s ciljem podrške razvoju aviosaobraćaja u funkciji razvoja turizma u Kantonu Sarajevo.

Na osnovu prijava koje zadovoljavaju postavljene kriterije odabrat će se aviokompanije kojima će biti dodijeljena sredstva za sufinansiranje, a sve u skladu s raspoloživim budžetom.

U slučaju da ukupna vrijednost prijava premašuje dostupna sredstva za period, prioritet će imati prijave s većom vrijednosti aplikacije.

VI OBAVEZNA DOKUMENTACIJA

1. Elektronski popunjen, isprintan i vlastoručno potpisan od ovlaštene osobe prijavni obrazac za Javni poziv,
2. dokaz da su registrovani za obavljanje poslova avioprijevoznika,
3. dokaz da imaju dozvole za obavljanje poslova avioprijevoznika za period trajanja Programa,
4. uvjerenje banke da je transakcijski račun aviokompanije aktivan, ne stariji od tri mjeseca računajući od dana objave JP,
5. listu destinacija sa frekvencijama,
6. avione koji će se koristiti i njihov kapacitet,
7. početak obavljanja letova sa Međunarodnog aerodroma Sarajevo,
8. kratki opis i profil aviokompanije sa brojem prevezenih putnika u prethodnih 12 mjeseci.

Prijavni obrazac za Javni poziv se može preuzeti na službenoj web stranici Turističke zajednice Kantona Sarajevo www.visitsarajevo.ba i web stranici JP Međunarodni aerodrom „Sarajevo“ d.o.o. www.sarajevo-airport.ba.

Aviokompanije su odgovorne za tačnost i potpunost priložene dokumentacije, te da su svi dostavljeni dokumenti važeći i relevantni za evaluaciju njihove prijave.

VII OBAVEZA KORISNIKA ODOBRENIH SREDSTAVA

Obaveza korisnika sredstava je da odobrena sredstva koristi namjenski u skladu sa zaključenim ugovorom sa Turističkom zajednicom Kantona Sarajevo.

VIII PRIJAVA NA JAVNI POZIV

Prijava na Javni poziv dostavlja se isključivo poštom preporučeno u zatvorenoj kovrti na adresu:

Turistička zajednica Kantona Sarajevo

Ul. Dalmatinska 2/4

71000 SARAJEVO, Bosna i Hercegovina

sa naznakom

**PRIJAVA NA JAVNI POZIV ZA POTICAJ RAZVOJA TURIZMA I
AVIOSAOBRAĆAJA NA PODRUČJU KANTONA SARAJEVO – NE OTVARATI**

IX ROK ZA PODNOŠENJA PRIJAVA NA JAVNI POZIV

Javni poziv ostaje otvoren do **01.10.2024. godine**

Rok za dostavljanje prijave je 60 (šezdeset) dana od dana objave Javnog poziva na web stranici Turističke zajednice Kantona Sarajevo (www.vistsarajevo.ba) i web stranici JP Međunarodni aerodrom „Sarajevo“ d.o.o. www.sarajevo-airport.ba.

X REZULTATI JAVNOG POZIVA

Rezultati Javnog poziva će biti objavljeni na zvaničnoj web stranici Turističke zajednice Kantona Sarajevo i web stranici JP Međunarodni aerodrom „Sarajevo“ d.o.o. www.sarajevo-airport.ba.

XI ROK ZA POTPISIVANJE UGOVORA

Turistička zajednica Kantona Sarajevo će sa odabranim korisnicima potpisati ugovor najkasnije u roku od 30 dana od dana objave rezultata po ovom Javnom pozivu.

XII NAČIN ISPLATE SREDSTAVA

Turistička zajednica Kantona Sarajevo će isplaćivati poticaj aviokompanijama na osnovu mjesečnih podataka o ostvarenom broju letova i ukupnom broju putnika, razvrstano po destinacijama sa informacijama o broju frekvencija i finansijskom rekapitulacijom koju je aviokompanija ostvarila, a koju Turističkoj zajednici Kantona Sarajevo dostavlja JP Međunarodni aerodrom “Sarajevo” d.o.o.

XIII POSEBNA NAPOMENA

U toku provođenja i realizacije Javnog poziva Turistička zajednica Kantona Sarajevo zadržava diskreciono pravo njegove izmjene i dopune u slučaju nastupanja objektivnih okolnosti na području Kantona Sarajevo.

XIV INFORMACIJE I KONTAKT

Za dodatne informacije i pojašnjenja, zainteresirane aviokompanije mogu kontaktirati Turističku zajednicu Kantona Sarajevo putem:

E-mail: info@visitsarajevo.ba

